

## آه يا ابو القلب القاسي

غناء: أحلام  
لحن: يوسف ضيا  
تاريخ: ١٩٥٦/٧/٣م

آه يا ابو القلب القاسي      يا ساقى المرّ بكاسي  
قلتلى اليوم وجيت اليوم      لا تعمل حالك ناسي

\*\*\*

ما في ولا مرّة بتوعدني      وبتوفى بوعدك  
في يوم الوعد بتبعدني      وبتنسى عهدك

\*\*\*

يا تارك قلبى يا قاسي      حبك على عيني وراسي  
قلتلى اليوم وجيت اليوم      لا تعمل حالك ناسي

\*\*\*

ان كان قلبك ما بيهواني      قلبى ما يحبّك  
يكفاني منك يكفاني      شومقسّى قلبك

\*\*\*

اللى بيزودّ آلامك      بتسعد أيامو  
والولف الهائم بغرامك      ناسيلو غرامو

## بعد الفرقة

غناء: أحلام

لحن: محمد علي البرجاوي

تاريخ: ١٩٥٦/٧/٣ م

بعد الفرقة تلاقينا      تلاقينا وما تحاكيينا  
لو كان عندك قلب يحن      بترميلك نظرة علينا

\*\*\*

يللي بقلبي حبك دام      مين ما حبك ما بينلام  
ياما قضينا أيام      وزعلنا وتراضينا

\*\*\*

بعد الفرقة وهجر الدار      على نار صفينا على نار  
وتحاكيينا بالأفكار      كأننا ما تحاكيينا

\*\*\*

يا ناسي عهد الأحباب      لا تنسى حبك غلاب  
لو نعرف طبعك قلاب      ما عشقنا ولا حبيننا

\*\*\*